

Na osnovu člana 80. do 88. Zakona o visokom obrazovanju Kantona Sarajevo, prečišćeni tekst („Službene novine Kantona Sarajevo“, broj: 22/10) Zakona o izmjenama i dopunama zakona o visokom obrazovanju Kantona Sarajevo („Službene novine Kantona Sarajevo, broj: 15/13“) i Pravila studiranja za drugi ciklus studija na Univerzitetu u Sarajevu, Univerzitet u Sarajevu
o b j a v l j u j e

KONKURS
za upis studenata u prvu godinu drugog ciklusa studija na Univerzitetu u Sarajevu
u akademskoj 2013/2014. godini

Konkurs se raspisuje za upis u prvu godinu drugog ciklusa studija u akademskoj 2013/2014. godini koji se organizira na fakultetima i akademijama Univerziteta u Sarajevu (u daljnjem tekstu: organizacione jedinice).

Prijave na Konkurs za upis podnose se organizacionim jedinicama od 28. avgusta do 27. septembra 2013. godine.

Terminološko korištenje muškog ili ženskog roda u ovom konkursu podrazumijeva uključivanje oba roda.

Eventualno bliže uvjete za upis kandidata mogu, obavezno u formi prijemnog ispita, utvrđivati isključivo organizacione jedinice (fakulteti i akademije) u sastavu Univerziteta u Sarajevu.

Ukoliko je za prijem studenata predviđeno polaganje prijemnog ispita, svaka organizaciona jedinica će utvrditi datum i raspored polaganja prijemnog ispita, kao i sadržaj i način polaganja prijemnog ispita, što će objaviti na svojim web stranicama i oglasnim pločama.

Prijemni ispiti i upis primljenih kandidata će se završiti do početka akademske 2013/14. godine, s tim da organizacione jedinice, koje popune upisnu kvotu, upis mogu vršiti i prije predviđenog termina, a po okončanju žalbenog roka.

Visina participacije cijena usluga i školarina Univerziteta u Sarajevu, te fakulteta i akademija u njegovom sastavu utvrđena je Odlukom Vlade Kantona Sarajevo broj 02-05-19288-9/09 od 11. 06. 2009. godine (www.unsa.ba, poglavlje – propisi, cjenovnici).

Djeca šehida i palih boraca i djeca bez oba roditelja koji prvi put upisuju prvu ili odgovarajuću godinu studija po starom ili bolonjskom sistemu studiranja oslobođeni su obaveze plaćanja upisnine u iznosu od 130,00 KM (stotinu trideset konvertibilnih maraka).

OPĆE ODREDBE

U prvu godinu studija u akademskoj 2013/2014. godini kandidati se upisuju u skladu sa planom upisa studenata.

Pravo učešća na Konkursu pod jednakim uvjetima imaju državljani Bosne i Hercegovine i strani državljani sa završenim odgovarajućim prvim ciklusom studija koji se vrednuje sa najmanje 180

odnosno 240 (E)CTS studijskih bodova, kao i kandidati koji su završili studij po predbolonjskim nastavnim planovima i programima u Bosni i Hercegovini, kao i kandidati koji su prvi ciklus odnosno predbolonjski studij završili izvan Bosne i Hercegovine, a za koje je nakon postupka nostrifikacije odnosno ekvivalencije utvrđeno da imaju završeno adekvatno obrazovanje za nastavak školovanja.

Kandidat koji je ispunio uvjet iz stava (1) ovog člana ima pravo upisa i na programe iz drugih oblasti koje se razlikuju od oblasti studijskog programa prvog ciklusa studija koji je završio, pod uvjetima koje na prijedlog organizacionih jedinica koje realiziraju studijski program utvrdi Senat Univerziteta.

Izuzetno, kandidati koji su studij završili izvan Bosne i Hercegovine imaju pravo učešća na Konkursu i prije izvršene nostrifikacije odnosno ekvivalencije diplome o završenom studiju u inozemstvu, ali se u prvu godinu studija mogu upisati nakon izvršene nostrifikacije odnosno ekvivalencije o završenom studiju u inozemstvu, a najkasnije do početka akademske 2013/2014. godine.

Ukoliko ovi kandidati prilikom predaje dokumentacije za upis nemaju nostrificirano svjedočanstvo, organizaciona jedinica je dužna zaprimiti ostalu dokumentaciju i uključiti kandidata u postupak za upis prema odredbama člana 88. Zakona o visokom obrazovanju Kantona Sarajevo, prečišćeni tekst („Službene novine Kantona Sarajevo“, broj: 22/10), u kojem se navodi da se kandidat koji ispunjava uvjete Konkursa, a nalazi se na rang-listi kandidata koji su položili prijemni ispit u okviru odobrene kvote studenata za upis na tu organizacionu jedinicu, može upisati u prvu studijsku godinu prvog ciklusa studija nakon izvršene nostrifikacije odnosno ekvivalencije svjedočanstva, a najkasnije do početka studijske godine.

U izuzetnim slučajevima, kandidat se može uvjetno upisati u prvu studijsku godinu prije izvršene nostrifikacije odnosno ekvivalencije svjedočanstva, uz prezentiranje potvrde da je postupak nostrifikacije odnosno ekvivalencije po njegovom zahtjevu u toku i da kašnjenje u donošenju odgovarajućeg rješenja nije rezultat njegovog propusta koji mu se može staviti na teret.

Prijem i upis studenata u prvu godinu studija provodi posebna komisija koju imenuje nastavno-naučno odnosno nastavno-umjetničko vijeće organizacione jedinice.

Izbor kandidata vršit će se na osnovu Odluke o kriterijima i mjerilima za utvrđivanje redoslijeda prijema kandidata za upis studenata u prvu godinu studija na Univerzitetu u Sarajevu, koja je sastavni dio ovog konkursa i vrednovanja rezultata prijemnih ispita ukoliko su predviđeni.

Prijemni ispit vršit će se testom ili drugom pisanom formom u ovjerenom duplikatu, od čega jedna kopija ostaje organizacionoj jedinici, a druga kandidatu.

Organizacione jedinice Univerziteta će na svojim web stranicama i oglasnim pločama dati potpune informacije o mjestu i vremenu predaje dokumenata za prijavu na Konkurs.

Za prijave na Konkurs za upis u prvu godinu studija kandidat je dužan predati sljedeće dokumente:

- zahtjev za upis u kojem je naznačen odsjek na koji konkuriše,

- originalna diploma i dodatak diplomi (za studente koji su završili bolonjski studij) o prethodno završenom studiju u Bosni i Hercegovini odnosno nostrificirana diploma za kandidate koji prethodni studij nisu završili u Bosni i Hercegovini (studenti koji su završili prvi ciklus studija u BiH mogu do izdavanja diplome i dodatka diplomi predati uvjerenje o završenom studiju ukoliko se promocija i dodjela diplome vrši nakon završetka roka predviđenog za dostavljanje prijave za upis po ovom konkursu),
- izvod iz matične knjige rođenih,
- uvjerenje o državljanstvu i
- druge dokumente relevantne za utvrđivanje broja bodova po kriterijima.

Prijave podnesene poslije utvrđenog roka, kao i nepotpune prijave neće se uzimati u razmatranje. Ukoliko se u prvom upisnom roku ne primi planirani broj kandidata, organizacione jedinice Univerziteta mogu do početka akademske 2013/14. godine objaviti i realizirati naknadni konkurs. Pravo prijave na naknadni konkurs i polaganje naknadnog prijemnog ispita (ukoliko se isti organizira) imaju svi kandidati koji konkurišu prvi put za upis, kao i kandidati koji su konkurisali u prvom roku, a nisu položili prijemni ispit ili su zbog ograničenog broja kandidata odbijeni.

Univerzitet i organizacione jedinice obavezni su da prije upisa studenata u studijsku godinu na javan i transparentan način objavom na svojoj web stranici i oglasnoj ploči upoznaju sve studente sa pravilima studiranja, nastavnim planom i programom, te akademskom titulom i stručnim zvanjem koje se stiče nakon završetka studija.

Kandidatima koji nisu primljeni organizacione jedinice omogućit će preuzimanje dokumentacije u roku od 7 dana od dana objavljivanja konačne rang-liste.

**ODLUKA
O KRITERIJIMA I MJERILIMA ZA UTVRĐIVANJE REDOSLIJEDA PRIJEMA
KANDIDATA ZA UPIS U PRVU GODINU DRUGOG CIKLUSA STUDIJA NA
UNIVERZITETU U SARAJEVU U AKADEMSKOJ 2013/2014. GODINI**

Član 1.

Ovom odlukom utvrđuju se zajednički kriteriji i mjerila za bodovanje i upis kandidata u prvu godinu drugog ciklusa studija na organizacione jedinice (fakultete i akademije) Univerziteta u Sarajevu u akademskoj 2013/2014. godini.

Terminološko korištenje muškog ili ženskog roda u ovom konkursu podrazumijeva uključivanje oba roda.

Član 2.

Kandidat je za upis obavezan podnijeti prijavu i priložiti dokumente predviđene Konkursom.

Utvrđivanje jedinstvene rang-liste svih prijavljenih kandidata vršit će se na osnovu prosječne ocjene koju su kandidati ostvarili u toku prvog ciklusa studija odnosno nakon završetka studija po predbolonjskim nastavnim planovima i programima, s tim da visina prosječne ocjene ne može

biti eliminatorna za prijavu na konkurs i vrednovanja rezultata prijemnog ispita ukoliko je isti predviđen.

Upis kandidata vršit će se u skladu sa odobrenim planom upisa i utvrđenom rang-listom.

Član 3.

Postupak provođenja ove odluke vrši komisija koju imenuje nastavno-naučno odnosno nastavno-umjetničko vijeće organizacione jedinice.

Na organizacionim jedinicama na kojima je predviđeno eventualno polaganje prijemnog ispita komisija je dužna da osigura tajnost ispitnog materijala i druge relevantne dokumentacije.

Preliminarnu rang-listu svih primljenih i prijavljenih kandidata organizacione jedinice će objaviti na web stranici i oglasnoj ploči nakon što je verificira nastavno-naučno odnosno nastavno-umjetničko vijeće organizacione jedinice, najkasnije dva dana od posljednjeg dana polaganja prijemnog ispita, a za organizacione jedinice na kojima se prijemni ispit ne polaže – najkasnije dva dana nakon isteka roka za podnošenje prijave na Konkurs.

Na objavljenu rang-listu kandidati mogu uložiti pisani prigovor nastavno-naučnom odnosno nastavno-umjetničkom vijeću organizacione jedinice u roku od tri dana od dana objavljivanja liste.

Ukoliko kandidat ima prigovor na rezultate postignute na prijemnom ispitu, prigovor dokazuje ovjerenim duplikatom testa sa prijemnog ispita.

Nastavno-naučno odnosno nastavno-umjetničko vijeće organizacione jedinice dužno je u roku od tri dana odlučiti o prigovoru kandidata i o tome ga obavijestiti pisanim putem.

Odluka nastavno-naučnog odnosno nastavno-umjetničkog vijeća je konačna.

Konačni spisak upisanih studenata u svim statusima, nakon što ga usvoji nastavno-naučno odnosno nastavno-umjetničko vijeće organizacione jedinice, organizaciona jedinica je obavezna objaviti na web stranici i oglasnoj ploči najkasnije dva dana nakon isteka roka za donošenje odluke po izjavljenom prigovoru i dostaviti Ministarstvu prije početka akademske godine.

Član 4.

Kandidati koji, u skladu sa Konkursom, budu primljeni na Univerzitet, za upis u prvu godinu studija, pored već predatih dokumenata, podnose:

- upisni, semestralni list i ŠV-obrazac,
- upisnicu – indeks i
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).

Kada se na jedinstvenoj listi kandidata, koji su na osnovu kriterija za upis studenata utvrđenih Odlukom Vlade Kantona Sarajevo broj: 02-05-3236-5/08 od 07. 02. 2008. godine, u predviđenoj kvoti upisa nađe određeni broj kandidata iz država nastalih nakon raspada SFRJ, lista primljenih

kandidata se proširuje za taj broj kandidatima državljanima BiH najviše do 4% studenata u statusu za koji konkurišu (redovni, redovni samofinansirajući i vanredni).

Kada izračunati procent broja studenta u odnosu na maksimalno utvrđenu kvotu kandidata iz država nastalih nakon raspada SFRJ nije cijeli broj, u tom slučaju vrši se zaokruživanje procentualne vrijednosti u korist kandidata na sljedeći cijeli broj.

Ukoliko se na listi kandidata u kvoti do 4% nalazi više kandidata iz država nastalih nakon raspada SFRJ koji ostvare isti broj bodova, primaju se svi kandidati u statusu za koji konkurišu, a lista se proširuje za taj broj kandidatima državljanima BiH.

Pod jednakim uvjetima iz ovih kriterija prednost imaju:

- djeca boraca – branitelja BiH,
- djeca ratnih vojnih invalida,
- djeca šehida i poginulih i nestalih boraca – branitelja i umrlih ratnih vojnih invalida,
- djeca organizatora otpora,
- djeca veterana – prvoboraca i
- djeca nosilaca najviših ratnih priznanja

(Čl. 1, 2, 5. i 24. Zakona o dopunskim pravima boraca – branitelja BiH, prečišćeni tekst, „Službene novine Kantona Sarajevo“, broj: 45/12).

Član 5.

Invalidi sa utvrđenim sto procentnim invaliditetom imaju pravo upisati se jedanput na određeni studijski program na Univerzitetu kao studenti budžetski finansiranih mjesta pod uvjetima:

- a) da su položili prijemni ispit ukoliko je isti predviđen,
- b) da su sposobni obavljati praktične zadatke u nastavi,
- c) da su stekli pravo upisa na odgovarajući ciklus studija visokoškolske ustanove kao javne ustanove i
- d) da su dostavili dokaz nadležne institucije o statusu invalida i procentu invaliditeta.

Član 6.

Detaljnije informacije o mjestu i vremenu predaje dokumenata za upis, kao i druge relevantne informacije bit će objavljene na web stranicama i oglasnim pločama organizacionih jedinica.

**PLAN UPISA STUDENATA U PRVU GODINU DRUGOG CIKLUSA STUDIJA
NA UNIVERZITETA U SARAJEVU
U AKADEMSKOJ 2013/2014. GODINI**

Redni broj	NAZIV USTANOVE ODSJEK / STUDIJ	Predviđeno trajanje drugog ciklusa studija, godine i ECTS ^{a)}	BROJ STUDENATA					
			Redovni studij- troškove studija snosi osnivač	Redovni Studij ^{b)} - troškove studija snose sami studenti	Vanredni studij ^{c)}	DL studij ^{d)}	Strani državljeni	<i>Ukupno</i>
1.	AKADEMIJA LIKOVNIH UMJETNOSTI	1 60 ECTS	23	38	-	-	7	68
	Nastavnički		5	7	-	-	1	13
	Slikarstvo		3	5	-	-	1	9
	Kiparstvo		3	4	-	-	1	8
	Grafika		3	5	-	-	1	9
	Grafički dizajn		3	5	-	-	1	9
	Fotografija		1	5	-	-	1	7
	Produkt dizajn		5	7	-	-	1	13
2.	AKADEMIJA SCENSKIH UMJETNOSTI		11	-	-	-	3	14
	Gluma*	1 60 ECTS	-	-	-	-	-	-
	Režija	2 120 ECTS	3	-	-	-	1	4
	Dramaturgija	1 60 ECTS	3	-	-	-	1	4
	Produkcija	2 120 ECTS	5	-	-	-	1	6
* Studij glume II ciklusa nije moguće organizirati zbog nedostatka radnog prostora za realizaciju nastavnog programa II ciklusa								
3.	ARHITEKTONSKI FAKULTET	2 120 ECTS	50	40	-	-	10	100

4.	EKONOMSKI FAKULTET	2 120 ECTS	70	120	-	150	5	345
	Odsjek Ekonomija		35	40	-	75	-	150
	Odsjek Menadžment		35	80	-	75	5	195
5.	ELEKTROTEHNIČKI FAKULTET	2 120 ECTS	80	140	80	-	8	308
	Automatika i elektronika		20	15	20	-	2	57
	Elektroenergetika		20	65	20	-	2	107
	Računarstvo i informatika		20	40	20	-	2	82
	Telekomunikacije		20	20	20	-	2	62
6.	FAKULTET ZA KRIMINALISTIKU, KRIMINOLOGIJU I SIGURNOSNE STUDIJE		30	30	57	-	3	120
	Kriminalistika	2 120 ECTS	-	-	30	-	-	30
	Kriminalistika	1 60 ECTS	10	10	9	-	1	30
	Kriminologija	1 60 ECTS	10	10	9	-	1	30
	Sigurnosne studije	1 60 ECTS	10	10	9	-	1	30
7.	FAKULTET POLITIČKIH NAUKA	2 120 ECTS	175	105	110	-	14	404
	Politologija							
	- Politički sistemi i demokratija		25	15	15	-	2	57
	- Međunarodni odnosi i diplomatija		25	15	15	-	2	57
	Sociologija - Opći smjer		25	15	15	-	2	57
	Komunikologija							
	- Klasično novinarstvo		25	15	15	-	2	57
	- Poslovno komuniciranje		25	15	15	-	2	57
	Sigurnosne i mirovne studije		25	15	15	-	2	57

	Socijalni rad		25	15	20	-	2	62
8.	FAKULTET SPORTA I TJELESNOG ODGOJA		30	50	-	60	20	160
	Opći smjer	1 60 ECTS	30	50	-	-	10	90
	Smjer menadžment u sportu	2 120 ECTS	-	-	-	60	10	70
9.	FAKULTET ZA SAOBRAĆAJ I KOMUNIKACIJE		60	65	-	-	10	135
		1 60 ECTS	20	20	-	-	5	45
	Odsjek za saobraćaj		10	10	-	-	3	23
	- Cestovni saobraćaj		7	7	-	-	1	15
	- Željeznički saobraćaj		1	1	-	-	1	3
	- Zrakoplovni saobraćaj		2	2	-	-	1	5
	Odsjek za komunikacije		10	10	-	-	2	22
	- Poštanske tehnologije		2	2	-	-	1	5
	- Komunikacijske tehnologije		8	8	-	-	1	17
		2 120 ECTS	40	45	-	-	5	90
	Odsjek za saobraćaj		22	25	-	-	3	50
	- Cestovni saobraćaj		14	15	-	-	1	30
	- Željeznički saobraćaj		4	5	-	-	1	10
	- Zrakoplovni saobraćaj		4	5	-	-	1	10
	Odsjek za komunikacije		18	20	-	-	2	40
	- Poštanske tehnologije		3	4	-	-	1	8
	- Komunikacijske tehnologije		15	16	-	-	1	32

10.	FAKULTET ZDRAVSTVENIH STUDIJA	1 60 ECTS	100	-	100	-	25	225
	Zdravstvena njega i terapija		20	-	20	-	5	45
	Fizikalna terapija		20	-	20	-	5	45
	Zdravlje i ekologija		20	-	20	-	5	45
	Radiološke tehnologije		20	-	20	-	5	45
	Laboratorijske tehnologije		20	-	20	-	5	45
11.	FILOZOFSKI FAKULTET	2 120 ECTS	395	115	235	-	20	765
	Odsjek za anglistiku							
	<u>Jednopedmetni studij</u> A. Engleski jezik i književnost – književni smjer		5	5	5			15
	B. Engleski jezik i književnost – lingvistički smjer		5	5	5			15
	C. Engleski jezik i književnost – nastavnički smjer		20	5	5			30
	D. Engleski jezik i književnost – prevodilački smjer		10	5	5			20
	Odsjek za bosanski, hrvatski i srpski jezik							
	<u>Dvopedmetni studij</u> Bosanski, hrvatski i srpski jezik i književnosti naroda BiH – nastavnički smjer		15	10	15			40
	Odsjek za filozofiju							
	<u>Jednopedmetni studij</u> A. Filozofija – znanstveni smjer		5		5			10
	B. Filozofija – nastavnički smjer		15		15			30
	Odsjek za sociologiju							
	C. Sociologija – znanstveni smjer		5		5			10
	D. Sociologija – nastavnički smjer		15		15			30

	Odsjek za germanistiku							
	<u>Jednopredmetni studij</u> A. Njemački jezik i književnost – nastavnički smjer		20	10	10			40
	B. Njemački jezik i književnost – književni smjer		15	5	5			25
	Odsjek za historiju							
	<u>Jednopredmetni studij</u> A. Historija – nastavni smjer		20		15			35
	<u>Dvopredmetni studij</u> A. Historija i Druga studijska grupa		5		5			10
	Katedra za historiju/povijest umjetnosti							
	<u>Jednopredmetni studij</u> A. Historija umjetnosti – nastavni smjer		5		5			10
	<u>Dvopredmetni studij</u> A. Historija umjetnosti (Studijska oblast: <i>Umjetnost na tlu BiH od 15. stoljeća do 1918. godine</i>) i Druga studijska grupa – znanstveni smjer Druga studijska grupa i Historija umjetnosti (Studijska oblast: <i>Umjetnost na tlu BiH od 15. stoljeća do 1918. godine</i>) – znanstveni smjer		10		10			20
	B. Historija umjetnosti (Studijska oblast: <i>Moderna i savremena umjetnost</i>) i druga studijska grupa – znanstveni smjer Druga studijska grupa i Historija umjetnosti (Studijska oblast: <i>Moderna i savremena umjetnost</i>) – znanstveni smjer		10		10			20

	Katedra za arheologiju		5	5	5			15
	<u>Dvopredmetni studij</u> Arheologija i Druga studijska grupa		5	5	5			15
	Odsjek za književnosti naroda BiH							
	<u>Dvopredmetni studij</u> Književnosti naroda BiH i bosanski, hrvatski i srpski jezik – nastavnički smjer		20		5			25
	<u>Jednopedmetni studij</u> Književnosti naroda BiH – naučni smjer		5		5			10
	Odsjek za komparativnu književnost i bibliotekarstvo							
	<u>Dvopredmetni studij</u> A. Komparativna književnost i bibliotekarstvo		20		10			30
	B. Komparativna književnost i druga studijska grupa		5		5			10
	C. Bibliotekarstvo i druga studijska grupa		10		5			15
	<u>Jednopedmetni studij</u> Komparativna književnost		10		5			15
	Odsjek za orijentalnu filologiju							
	<u>Jednopedmetni studij</u>							
	A. Arapski jezik i književnost – opći smjer		15		5			20
	B. Turski jezik i književnost – opći smjer		15		5			20
	C. Perzijski jezik i književnost		5		5			10
	<u>Dvopredmetni studij</u>							
	A. Arapski jezik i književnost i druga studijska grupa		10		5			15

	B. Turski jezik i književnost i druga studijska grupa		5		5			10
	C. Perzijski jezik i književnost i druga studijska grupa		5		5			10
	Odsjek za pedagogiju							
	<u>Jednopredmetni studij</u>							
	Pedagogija – strukovni studij		15	15	5			35
	<u>Dvopredmetni studij</u>							
	Pedagogija i druga studijska grupa – strukovni studij		5					5
	Odsjek za psihologiju							
	<u>Jednopredmetni studij</u>							
	Psihologija		30	30				60
	Odsjek za romanistiku							
	<u>Jednopredmetni studij</u>							
	Francuski jezik i književnost		10	5	5			20
	<u>Dvopredmetni studij</u>							
	A. Francuski jezik i književnost i italijanski jezik i književnost		10	5	5			20
	B. Francuski jezik i književnost i druga studijska grupa		5	5	5			15
	Odsjek za slavenske jezike i književnosti							
	<u>Jednopredmetni studij</u>							
	Ruski jezik i književnost – nastavni smjer		5		5			10
	Strani državljani na svim grupama*						20	20
	Prijemni ispit za II ciklus studija nije predviđen. Kandidati će se primiti na osnovu rang-liste određene na osnovu uspjeha na I ciklusu studija.							
12.	GRAĐEVINSKI FAKULTET	2 120 ECTS	80	80	-	-	11	171
	Odsjek za konstrukcije		20	20	-	-	2	42
	Odsjek za hidrotehniku		20	20	-	-	2	42

	Odsjek za saobraćajnice		20	20	-	-	2	42
	Studij geodezije		20	20	-	-	5	45
13.	MAŠINSKI FAKULTET	2 120 ECTS	140	-	-	-	-	140
14.	MUZIČKA AKADEMIJA	1 60 ECTS	-	30	-	-	7	37
	Odsjek za kompoziciju		-	1	-	-	-	1
	Odsjek za dirigovanje		-	2	-	-	-	2
	- Orkestarsko dirigovanje		-	1	-	-	-	1
	- Horsko dirigovanje		-	1	-	-	-	1
	Odsjek za solo pjevanje		-	1	-	-	-	1
	Odsjek za klavir, udaraljke, harfu i srodne instrumente		-	9	-	-	1	10
	- Klavir		-	3	-	-	-	3
	- Klavir korepeticija		-	2	-	-	-	2
	- Klavir metodika		-	3	-	-	-	3
	- Udaraljke		-	1	-	-	1	2
	Odsjek za gudačke instrumente		-	3	-	-	2	5
	- Violina		-	1	-	-	1	2
	- Viola		-	-	-	-	-	-
	- Violončelo		-	1	-	-	1	2
	- Kontrabas		-	-	-	-	-	-
	- Gitara		-	1	-	-	-	1
	Odsjek za duvačke instrumente i harmoniku		-	4	-	-	1	5
	- Flauta		-	1	-	-	-	1

	- Klarinet		-	1	-	-	-	1
	- Saksofon		-	1	-	-	-	1
	- Truba		-	1	-	-	1	2
	- Horna		-	-	-	-	-	-
	- Harmonika		-	-	-	-	-	-
	Odsjek za muzikologiju i etnomuzikologiju		-	4	-	-	1	5
	- Muzikologija		-	2	-	-	-	2
	- Etnomuzikologija		-	2	-	-	1	3
	Odsjek za muzičku teoriju		-	6	-	-	2	8
15.	PEDAGOŠKI FAKULTET	1 60 ECTS	80	70	60	-	15	225
	Predškolski odgoj		30	20	10	-	5	65
	Razredna nastava		30	30	30	-	5	95
	Kultura življenja i tehnički odgoj		20	20	20	-	5	65
16.	POLJOPRIVREDNO-PREHRAMBENI FAKULTET	2 120 ECTS	80	30	-	-	30	140
	Odsjek Biljna proizvodnja		20	10	-	-	10	40
	Odsjek Zootehnika		20	10	-	-	10	40
	Odsjek Ekonomika poljoprivrede i prehrambene industrije		20	5	-	-	5	30
	Odsjek Prehrambene tehnologije		20	5	-	-	5	30
17.	PRAVNI FAKULTET	1 60 ECTS	50	50	-	50	-	150
18.	PRIRODNO-MATEMATIČKI FAKULTET		108	66	77	-	19	270
	Odsjek za biologiju	1 60 ECTS	25	15	-	-	10	50
	Nastavnički smjer		5	3	-	-	2	10

	Smjer biohemije i fiziologije		5	3	-	-	2	10
	Smjer ekologija		5	3	-	-	2	10
	Smjer genetika		5	3	-	-	2	10
	Smjer mikrobiologija		5	3	-	-	2	10
	Odsjek za fiziku		20	15	20	-	2	57
	Nastavnički smjer (Fizika)	1 60 ECTS	5	5	5	-	1	16
	Opći smjer (Fizika)	1 60 ECTS	10	5	10	-	1	26
	Nastavnički smjer (Fizika)	2 120 ECTS	5	5	5	-	-	15
	Odsjek za geografiju	1 60 ECTS	15	9	30	-	-	54
	Nastavnički smjer		5	3	10	-	-	18
	Regionalno i prostorno planiranje		5	3	10	-	-	18
	Turizam i zaštita životne sredine		5	3	10	-	-	18
	Odsjek za hemiju	1 60 ECTS	8	17	20	-	-	45
	Nastavnički smjer		3	7	5	-	-	15
	Opći smjer		5	10	15	-	-	30
	Odsjek za matematiku	2 120 ECTS	40	10	7	-	7	64
	Opći (teorijski) smjer		5	1	1	-	1	8
	Primijenjena matematika		5	2	2	-	2	11
	Nastavnički smjer		15	5	2	-	2	24
	Teorijska kompjuterska nauka		15	2	2	-	2	21
19.	ŠUMARSKI FAKULTET	2 120 ECTS	30	-	-	-	4	34
	Održivo upravljanje šumskim ekosistemima		20	-	-	-	2	22

	Pejsažna arhitektura		10	-	-	-	2	12
20.	UNIVERZITETSKI INTERDISCIPLINARNI PROGRAMI		-	110 *	-	-	20 *	130 *
	Evropski regionalni magistarski program Demokratija i ljudska prava u jugoistočnoj Evropi (ERMA)	1 60 ECTS	-	10	-	-	20	30
	Evropske studije	2 120 ECTS	-	35	-	-	-	35
	Upravljanje državom i nevladinim organizacijama	2 120 ECTS	-	30	-	-	-	30
* Studij finansiran od strane donatora								
UKUPNO UNIVERZITET U SARAJEVU			1.592	1.104	719	260	231	3.906

PRIDRUŽENE ČLANICE		Predvideno trajanje drugog ciklusa studija, godine i ECTS ^{a)}	Redovni studij-troškove studija snosi osnivač	Redovni studij ^{b)} -troškove studija snose sami studenti	Vanredni studij ^{c)}	DL studij ^{d)}	Strani državljani	<i>Ukupno</i>
1.	FAKULTET ZA JAVNU UPRAVU	1 60 ECTS	-	30	30	-	-	60
UKUPNO UNIVERZITET U SARAJEVU I PRIDRUŽENE ČLANICE								
			1.592	1.134	749	260	231	3.966

a) Drugi ciklus studija vodi do akademskog zvanja magistra ili ekvivalenta, stečenog nakon završenog dodiplomskog studija, traje jednu ili dvije godine, a vrednuje se sa 60 odnosno 120 (E)CTS bodova i to tako da u zbiru s prvim ciklusom nosi 300 ECTS bodova. ECTS studijski bodovi odgovaraju kriterijima Evropskog sistema prijenosa kredita – European Credit Transfer System – ECTS.

b) Redovni studij = troškove studija snose sami studenti.

c) Vanredni studij = troškove studija snose sami studenti.

d) DL studij = redovni studij „učenjem na daljinu“ sa punim fondom nastave, troškove snose sami studenti.